

日本漢文學百家集

王焱 編

249



YSP
北京燕山出版社



王焱 主編

日本漢文學百家集
249



北京燕山出版社

第二四九册

| | | | | | |
|------|--------------|-------|-------|----|-----|
| 山陽遺稿 | 文 十卷 詩 七卷 拾遺 | 賴山陽著 | 天保十二年 | …… | 一 |
| 日本樂府 | 一卷 | 賴襄子成著 | 明治三年 | …… | 一三九 |
| 山陽文稿 | 上下卷 | 賴襄子成著 | 明治三年 | …… | 三三三 |

山陽遺稿詩

山陽遺稿卷之一

賴襄 子成著

丙戌

元日

曉光明暗動。窻櫺。曆入新年。微雨中。九陌輕肥。各人事。一
園梅。柳自春風。無情霜。更添鬢白。有力酒。能回頰紅。卻咲
妻兒。修禮俗。辛盤聊與四鄰同。

觀梅翌日作

昨遊陳跡。夢闌殘。酒醒窻白。曉光寒。唯有折來梅。現在一
枝。著意插瓶看。

再觀梅伏水

再理吟筇出郭來料知香雪五分開
脚跟不到權門闕卻爲梅花走兩回

○梁伯兔歸濃過京雷之數日

歸心雖急未須還卸擔京城春正闌
閣雨春雲如卵色養花幾日與君看

讀玄宗紀

明皇初執郛元振用振威刑而後來安祿山敗軍不誅是開天治亂大分也

代公頸上凍霜鋒
霧影飄風殺氣濃
黃鉞佗年藏那處
曾無屠割到豬龍

秋仲同春琴春村遊嵯峨宿三家店

擬向嵐山看月明，侵蹊秋草少人行。
春來腕管嬌絃地，半是蟲聲半水聲。

十三夕

繞攬秋漲，又來多病盡。其如風露何。乘月捕魚，誰氏子幾回舉網澆金波。

中秋前後連夜無月

咄咄銀蟾奈汝何。秋雲黏水逐宵多。作意呼燈又呼酒，向吾掌上起金波。

茶二首

竹鼎沙餅從喚呼。愛看魚眼濺爲珠。卅年嘗盡人間味，獨

有心情向酪奴

採時空及旗槍際煮候當論老嫩閒最愛風爐火紅處恍
聞蟬語過秋山

、內藤士謙將發招吾夫妻畱別於樵巷時有斛種丹

桂來供者分桂子天香句得子字

盆栽秋桂丹杯泛暮山紫離席豈佗人佳招攜內子紅塵
君已歸青眼誰相視咲指階前水交情長若此

席上內子作蘭戲題贈士謙

荆釵藜杖接清歡夫作崢嶸妻作蘭渠瘦儂頑誰肯愛一
家風味與君看

哭妹

忽得凶音讀復疑。秋前猶有寄兄詞。形容自覺倍枯槁。老樹相連唯一枝。

、今津某氏園栽牡丹索詩

槿籬護得牡丹芽。不是尋常百姓家。欲咲柴桑春寂莫。唯鋤三逕種秋花。

田圃寧無富貴花。一稜金粉映桑麻。要看人世真黃紫。不在洛陽姚魏家。

○醉杜圖

熊兒前扶驥子後。穉女捉燭蒞門久。天吳紫鳳本顛倒。醉

眼何辨孰身首。任它布衾冷如鐵。老腳今夜蹋欲裂。臣甫
得爲醉眠人。可忍至尊尚蒙塵。

○○昌黎像

筆底江河走蛟龍。龍文之鼎力能扛。手築孤壘連鄒嶧。身
當二氏百萬敵。元濟庭湊等嬰兒。搯吭闢口本優爲。慢膚
大腹面渥丹。非是江南夜宴韓。渾噩姚姒溢眉宇。二十八
宿照萬古。安囑畫工更傳神。爲佗被髮騎麒麟。

○○東坡贊

金甌缺陷東北角。天將秀氣鍾巴蜀。腹蓄大峨雪陸離。流
爲長江萬屈曲。光芒自堪雄百代。不借一枝金蓮燭。大海

長風拂疎髯。咲看狂濤浴天蟾。久矣人間倦遊戲。磨蝎蠶
叢兩夢甜。拂衣而逝。呼不荅。英魄寧爲群兒繫。長畱嬉笑
怒罵痕。咳唾滿地任人拾。

○放翁贊

傾盡眉州紅玻璃。萬里霜蹄託醉思。歷歷散關與渭水。空
使戰雲生研池。浙水春風豈不好。回首永昌陵上草。中州
英靈誰主張。漫使范楊伍此老。老眼耐視小朝廷。矮紙斜
行向窻晴。恨不使君橫槊大河北。僕役李汾與劉迎。

寓居正對東山諸峯詠懷古跡七首

其一

萬箭刺河漢。盪摩雙日光。野腥龍戰敗。原暗鹿奔亡。華萼
庭闈亂。戈鋌天地荒。傷心如意岳。夢卜墮蒼茫。

其二

曦影動崔嵬。先鞭誰得回。仇讎覆巢盡。信越建瓴來。虎鬪
成人利。猴冠亦霸才。可憐駢不逝。一蹶壯圖傾。

其三

旌旗凋不颺。艮岳日將沈。蹉跌復京志。蕭條趨越心。鑿輿
南北圻。鐵馬雪霜深。仰止英雄恨。茫茫一整襟。

其四

勤王兵可檄。運餉豈無途。天子心腸薄。將軍筋骨枯。曾塗

五宗血難挽。六龍徂一詔。猶哀痛殘雲。護鳳雛。

其五

定霸唯三萬。煙塵來自東。指揮無旬衛。部曲盡英雄。戈戟
荆榛豁。旌旗日月紅。伯符先入洛。志業竟難終。

其六

諸侯盡蒲伏。七道合瓜分。戰伐從心筭。飛騰兆掌紋。獼猴
曾掠國。豚犬豈承勳。唯見雞林馘。蓬蒿有獨墳。

其七

躑跋狼無患。蟄飛龍有雲。牲書齊五命。鞭弭晉三軍。烏止
於誰屋。民徯獨此君。獻俘猶在眼。駟介簇湖濱。

文房七詠

初冬夜淡讀書偶見餅花嫣然可愛爲作詩顧瓶側
諸物皆習使令者不可無詩遂各贈六句

花瓶

古銅膽樣

讀書過丙夜燈梳油未竭照看餅中花燈影明半頰會心
時一顧渠亦開咲靨

硯

紫質綠眼彫爲海龍

一研二十年曾伴我修史同吾閱興亡墨綉在肌理所慙
不辭勞日給數勺水

水滴

三足蟾蜍

研傍銅蟾蜍，瞳目缺一足。蹠恰如我，世路寧堪躅。吐吞萬斛泉，脣吻成古綠。

鎮紙 水晶躡螭

水精彫躡螭，故人曾贈余。不伍龍熊羆，妄想久已除。蟠屈明素心，祇應鎮我書。

研山 豫產

兩峯如削成，一峯懸欲墜。拳大具洞壑，時見吐雲氣。誰知研池側，迤邐南海翠。

筆洗 續物古銅舍師所貽

高僧輟銅鉢，花紋翠穿骨。使我中書君，覆心沐其髮。問汝

盛庚癸何如黑波凸

畫卷

明王嶼江南春曉圖

一幅小江南橫披畫春曉桃花千萬株睨視紅未了此中

可逃世誰言尺縑小

○謝伊丹原生贈酒

乙酉之夏丹人介生索書餉兩大尊余寄其一欲及竭取之已而有

播之行歸途書促取會運船細載而束纒得殘餘生周旋甚勤

丹陵有佳友兩尊潤吾筆窮人愧大豐偏取寄其一幾句

饜侯醴家壘竭不恤歸路先馳書此時已齎栗陳醞盡輸

東新醪蓄未出臘槽壓庚癸春甕蓋丙戌譬如函秦甲空

國擊甌越亦如長平民其孤未燥髮苦乞出祕藏為我屢